

## Universitätsbibliothek Paderborn

**Canones Directivi Confraternitatis Sacerdotum Bonae  
Voluntatis, Sub Invocatione Domini Nostri Jesu Christi in  
Cruce morientis**

**Dirckinck, Johann**

**Coloniae, Anno 1709**

**VD18 12518239**

Canon IX. De habitu modesto Ecclesiasticorum.

[urn:nbn:de:hbz:466:1-51869](#)

Studeamus itaque gnaviter DD.  
 Confratres, ne quidquam, ad officium  
 nostrum spectans ignoremus : Si quis  
 ignorat, ignorabitur : 1. Cor. 14. 38.  
 Dicamus in terris, ait S. Hieronymus,  
 quorum scientia perseverat in cœlis. Sic  
 stude, suadet idem S. Doctor, tanquam  
 semper victurus, sic vive tanquam sem-  
 per moriturus. Sic ergo vivamus, sic stu-  
 deamus, legamus, scribamus, cum  
 Zeuge pingente æternitati, & scientiis  
 acquisitis ad gloriam Dei ac salutem a-  
 nimarum, sic utamur; ut in nobis Pro-  
 pheticum promissum impleatur : Qui  
 autem docti fuerint, fulgebunt, quasi  
 splendor firmamenti : Et qui adjustitiam  
 erudiunt multos, quasi stellæ in perpetuas  
 aeternitates. Dan. 12. 3.

## CANON IX.

**H**abitu utancur communi, simplici,  
 honesto & modesto; studeant place-  
 remaribus, non vestibus.

EX.

## EXPOSITIO

**S**Ponsa in Canto Canticorum, Christi Sponsi, pulcherissimi, consortium ambiens, & ab eo amari unicè desiderans, seipsum unā atque eadē verborum serie, de nigredine & venustate commendat: *Nigra sum, inquit, & formosa Filiae Ierusalem, sicut Tabernacula Cedar, sicut pelles Salomonis.* Cant. i. 4. At, ô Sponsa, nonne nigredo potius esset à te silentio suppressa, quæ ipsam pulchritudinem obfuscatur, & decorem corporis ex ameno colore & debitâ membrorum proportione consurgentem non parùm extenuat? Color ater in fœmina apud Æthiopes forsitan habetur in precio; sed Sponsa in Candidorum regione nata, quo pacto colorem nigrum cum pulchritudine junctum, in sui laudem commemorat? Verum enim vero, si rem penitus inspiciamus, haud erit difficilis expositio, cùm Sponsa de diversis sermonem instituat; quando nimis de corporis nigre-

gredine , ac de mentis pulchritudine se  
deprædicat : tanquam si diceret : Corpo-  
re quidem sum nigra & squalida ; sed  
mente pulchra sum & decora , *Sicut ta-  
bernacula Cedar* , seu tentoria Arabum ,  
quorum Cedar Ismaëlis Filius , Pater ex-  
titit ; quæ cum identidem locum mu-  
tent & per deserta ac invia ferantur , fo-  
ris coriaceâ & subnigrâ pelle squalent ;  
intus autem divitias & elaboratam pul-  
chritudinem continent . *Et sicut pellis  
Salomonis* seu tentoria foris deformia ,  
intus formosa sunt ; dum magnam auri ,  
argenti & gemmarum copiam , & im-  
mensam cortinarum pulchritudinem ,  
atque ipsum Regem Salomonem intus  
quiescentem , vilibus sagis & ciliciis co-  
operiunt ; ita ego , ait sponsa , *Nigra sum ,  
sed formosa* .

*Reverendissimi , & Admodum Reve-  
rendi Domini Confratres , Anima sancta ,  
anima justi , anima Sacerdotis , Sponsa  
est Salvatoris : quæ ut Sponso cœlesti  
placeat , *Nigra sit & formosa* ; Nigra in  
corpore , sed candida in anima ; fulca in  
veste , sed formosa in mente ; atra operi-  
mento*

mento membrorum corporis ; sed pulchra ornamento morum & virtutis ; *Sicut tabernacula Cedar ē pelles Salomonis.* Atque hoc ipsum est, quod Canon nonus Confraternitatis nostræ celeberrimæ præscribit : ut scilicet mores & vita eam pulchram, justam, sanctamque reddant ; & nigredo vestis ac modestia cultus, veluti operimentum virtutis , ac murus sanctitatis , eandem contegant , tueantur atque conservent. Quod utrumque , ut prompto , libentique animo , & corde toto amplectamur ; authritates & rationes solidas tam de vestibus , quam de moribus , producemus.

## C A P U T I.

### D E V E S T I B U S .

**P**RIMA Encomii Sponsæ pars est , nigredo : *Nigra sum* , inquit. Laudem hanc meritò sibi quoque Confraternitas nostra laudabilissima vendicat. *Nigra sum* : id est : *Habitu utor , nigro , communī , simplici , honesto & modesto* : quemadmodum

admodum status sacerdotalis ac pasto-  
ralis exigit; & Canon præsens exposit  
ne verò quisquam ab eo unquam defle-  
ctat, Divinorum eloquiorum oracula,  
Conciliorum Oecumenicorum decreta,  
Sanctorum Patrum monita, & rectifi-  
cationis argumenta, quæ subjungimus.  
seriò ac sedulò expendat.

## §. I.

*SACRÆ SCRIPTURÆ  
ORACULA.*

Si verbi divini Codices pervolvamus,  
Exempla Christi, quæ moveant, Aposto-  
lorum monita, quæ doceant, & Pro-  
phetarum minas, quæ terreant, atque à  
luxu & vanitate vestium deterreant, in-  
veniemus.

I. Quid enim obsecro, Dominus &  
Salvator noster, tum per se docuit, tum  
per Apostolos suos sæpius ingessit; quæ  
mundi gloriam spernere, fastum sacer-  
calcare, vitæ superbiam fugere, super-  
flua resecare; & paupertatem spiritu ex-  
animo

animo sectari ? Ut verò doctrinam hanc suo firmaret exemplo ; ipse nasci voluit in stabulo, reclinari in præsepio, pannis involvi, ac vitæ totius decursu, domo, lectulo, omnique ferè humano solatio destitui. *Vulpes*, inquit : *foveas habent, & volucres cœli nidos*, *Filius autem hominis, non habet, ubi caput reclinet.* Matth. 8. Si verò hæc amplexus est Dominus, quid faciet servus : si hæc Sacerdos summus , quid infimus & minister ejus ? Tu ipse, Sacerdos Altissimi , fermentiam : an non quò longius ab illustrissimo hoc perfectionis omnis prototypo in vestitu , domo, supellestile recedis ; eò omnis sanctitatis speculo dissimilior , & mundo , ejusque asseclis conformior evadis ?

2. Præclarè sanè modestiam hanc à Christo hausere Apostoli, eámq; ad posteros suos, tum verbo, tum exēplo transmisere : *Habentes, inquit eorum unus, alimenta & quibus tegamur, his contenti simus* 2. Tim. 6. 8. *Quibus tegamur* ait Apostolus , non quibus gloriemur , & effegiamur , cùmque hoc exigat à sœculi-

L lari-

Iaribus , quid à sacerdotibus Dei ministris requiret ? Profectò idem Doctor gentium , dum Timotheo Ephesino Episcopo [ sub quo & Sacerdos comprehenditur ] morum præcepta tradit ; inter cætera , eum esse *Ornatum* desiderat . Tim. 3. hoc est , habitu honesto & modesto , qui virum gravem deceat , exornatum , ut S. Chrysostom. hom. 8. in Epist. 1. ad Tim. explicat : *Habitum* [ Apostolus ] profectò tunicam undique honestam compositam , significare voluit . *Ornatum* , non exquisitum intelligas , sed moderatum ; hic enim ornatus habitus est ; ille autem fœdus , seu ut S. Hieronymus ad Oceanum , exponit , moribus compositum ; qui in motu , incessu , habitu , & sermone decorum servet ; quo etiam per corpus , animi moderatio & temperantia elucescat . *Amictus enim corporis* , *risus dentium* , & ingressus hominis , nuntiant de illo . Eccl. 19. 27. Quia videlicet sicut immoderatus risus levitatem , ac pompticus incessus arrogatiā & superbiam , ita exquisitus corporis cultus utrumque indicat & significat :

cat : velut optimè notat Clemens Ale-  
xandrinus 3. Pædag. C. 11. Quemad-  
modum ait fumus ignem, bonus autem  
color, bonusque pulsus sanitatem, ita et-  
iam talis qui est apud nos amictus, indi-  
cat, qualis sit nostrorum morum consti-  
tutio.

3. Nec minæ propheticæ in trans-  
gressores modestiæ desunt, primo enim  
minatur Sophonias c. 1. 8. vaticinans :  
*Et erit in die hostię Domini, visitabo su-*  
*per omnes, qui induti sunt ueste peregrinā.* Impleta est prophetia hæc ad litte-  
ram, quando *in die hostię*, id est tempo-  
re excidii Hierosolymitanū, quo urbs  
hæc à Chaldæis velut victima mactata  
est, Judæi ueste peregrinā gentilium,  
Ægyptiorum, Philistæorum Ammoni-  
tarum & Tyriorum induti, in pœnam  
levitatis & curiositatis suæ visitati & e-  
versi sunt, Implebitur verò tropologi-  
cè hoc vaticinium in Sacerdotibus ac  
Pastoribus Animarum, quando *in die*  
*hostię*, in die judicii extremi, *Visitabit*  
*Dominus super omnes, qui induti fuere*  
*veste peregrinā*, sive à statu suo alienā,

L 2 dum

dum non instar Clericorum Deo sacra-  
torum ; sed hominum mundanorum ,  
non instar Sacerdotum , sed militum  
aut officialium bellicorum, vestitu colo-  
rato , variegato , aureisque lemniscis di-  
stincto , statu s u i sanctitatem dehone-  
starunt :

Si vero mysticè interpretari velimus :  
vestis nostra Christus est , quam in bap-  
tismo assumpsimus , secundum illud A-  
postoli ad Gal. 3. 27. *Quicunque in  
Christo baptizati estis , Christum indu-  
istis.* Et ad Ephes. 4. 24. *Induite novum  
hominem , qui secundum Deum creatus  
est , in iustitia & sanctitate veritatis , &  
ad Coloss. 3. 12. Induite vos ergo sicut  
electi Dei viscera misericordie , benigni-  
tatem , humilitatem , modestiam . Jam  
vero , quod si nos non veste Sacerdo-  
tis Christi , sed victimæ orci , non servi  
Dei , sed mundi & Diaboli insignia cir-  
cumferamus ; si pro misericordia crude-  
litate , pro benignitate asperitatem ,  
pro humilitate superbiam , pro modestia  
fastum , & luxum vestium induamus ,  
an non veste peregrinâ Cacodæmonis  
amicis*

amicimur? Absit, absit, Domini Confratres. Sed induimini Dominum nostrum Iesum Christum Rom. 13. 14. ejusque simplicitatem, humilitatem, & modestiam : qui enim virtutibus hisce spretis vitia contraria assumit, Antichristum induit.

His deinde accedit, Amos Prophetæ Comminatio, vanitatum sectatoribus horrendum væ intentantis, *Væ inquit, qui opulenti estis in Sion & confiditis in monte Samaria. Optimates [Ecclesiæ] Capita populorum ingredientes pomparicè domum Israël ; qui dormitis in lectis eburneis, & lascivitis instratis vestris bibentes vinum in phialis, & optimo unguento delibuti, & nihil patiebantur super contritione Joseph. Amos c. 6. v. 1.* Heu! quam timendum est, ne qui in mystica Sion, id est in Ecclesia Christi, opibus affluunt, vino, crapulæ & voluptatibus se dedunt, pompas sœculi ambiunt, mundi cultum luxumque requirunt, & quod inde sequi assolet, immisericordiæ vitio laborant, & contritione id est ærumnas populi publicas, & pri-

vatas non curant, Quam inquam, timendum est, ut audiant quod per Prophetam eundem Dominus jurat : *Iuravit Dominus, detestor ego, superbiam Jacob, & domos ejusmodi [magnificas] & tradam civitatem cum habitatoribus suis l. c. Assyriis eorum hostibus v. 8.* Quam meritò timendum est, ut hujusmodi aliquando pœnitentiam nimis seram agant, & præ angustia spiritus ingemiscentes dicant, *Quid nobis profuit superbia aut divitiarum jactantia, quid contulit nobis? transferunt omnia illa tanquam umbra & tanquam nuncius præcurrens Sap. c. 5.*

## §. II.

### CONCILIORUM OECUMENICORUM DECRETA.

**L**ibrorum divinorum oraculis luxum vestium damnantibus, varia Conciliorum Oecumenicorum Ecclesiam universam repræsentantium Decreta adstipulantur, quæ sæpe numero decentem

centem vestitūs cultūsque modum non  
sine pœnis in transgressores additis Cle-  
ro præfigunt.

*Concilium Nicanum 11. Anno 788.*  
celebratum Canone 2. decernit sequen-  
tia, *omnis ornatus corporeus*, est à sacer-  
dotali ordine alienus, *Episcopos ergo &*  
*Clericos*, qui se *splendidis & insignibus*  
*vestibus exornant*, corrigere oportet: si  
autem permaneant, suppicio tradi: simi-  
liter & eos, qui sunt unguentis delibuti.  
Et si inventi fuerint aliqui, qui vili mo-  
destoque habitu indutos irriserint pœna  
corrigantur: à superioribus enim tempo-  
ribus *omnis vir sacerdotalis cum mode-*  
*rato & honesto indumento versatur.*

*Concilium Agathense Anno 506.* ha-  
bitum Canone 20. sancivit: *Clerici qui*  
*comam nutriunt* [ *quid dicturum fuisse*  
de iis presbyteris, qui cum prolixo ca-  
pillito ficto, ad ipsum Altare sacrosan-  
ctum accedunt ] *ab Archi-Diacono, et*  
*iam si noluerint inviti detondeantur:* ve-  
stimenta vel calceamenta etiam eis, nisi  
quæ religionem deceant, uti, aut habere  
non liceat.

*Concilium Matisonense Anno 581, collectum Canone 3. statuit : ut nullus clericus sagum, aut vestimenta sœcularia, nec nisi qua religionem deceant, induere præsumat. Quod si post hanc definitionem Clericus, aut cum indecenti ueste aut cum armis inventus fuerit, à Senioritate coerceatur, ut triginta dierum inclusione detentus aquâ tantum & modico pane, diebus singulis, sustentetur.*

*Synodus Quinisepta Canone 27. ordinavit ut nullus eorum, qui in Cleri Catalogum relatis sunt, uestem sibi non convenientem induat, neque in civitate degens, neque NB. iter faciens, sed utatur uestibus, que clericis attributa sunt, si quis autem tale quid fecerit, una septimanâ segregetur. Omissis aliis quam plurimis quæ brevitatis gratiâ præterimus Conciliis antiquioribus, novissime.*

*Concilium Tridentinum sess. 24. cap. 6. sic definivit, oportet clericos uestes suo congruentes ordini semper deferre, ut per decentiam habitus extrinseci, morum honestatem intrinsecam offendant. Tanta autem hodie aliquorum inolevit*

*teme-*

temeritas, religionisque contemptus, ut propriam dignitatem, & honorem clericalem parvi pendentes vestes etiam deferrant pure laicales, pedes in diversis ponentes, unum in divinis alterum in carnalibus -- Unde Concilium pœnam salutarem addit, ut si tales ab Episcopo moniti, se se non correxerint, ab ordinibus, officiis, ac beneficio, suspensi, etiam fructibus ac redditibus priventur.

O sacer rigor ! ô sancta cleri veteris disciplina ! ô salutaria conciliorum universalium decreta ! utinam à moderno Clero, summo, medio, infimo, absque respectu personarum, servaremini, aut servari juberemini ! ô salutares Canones antiqui, utinam hoc ævo quibusdam in locis, cum magno Ecclesiæ damno in desuetudinem non abiretis ! & siquidem fortassis id accidat, alibi in aliis, at non hic in membris laudabilissimæ nostræ Confraternitatis.

## §. III.

*SANCTORUM PATRUM MONITA.*

**P**Aginis sacris conciliisque Oecumenicis sancti patres & Ecclesiæ Doctores, unanimi consensu, suffragantur, & luxum, ac vanitatem vestium; in Cle-ro præsertim lingua, & calamo acriore perstringunt. Hos inter.

*S. Chrysostomus* monitum illud Ecclesiastici explanans: *in vestitune glorie ris unquam* cap. 11. 4. Homil. 2. in Epist. 1. ad Timotheum hac ratione discurrevit. *In amictu vestium ne glorieris:* nam tinea ubi pretiosiora illa invaserint indumenta, hujus te gloriae voluptate privabunt, vides quam incerta, quāmque instabilitis sit hæc vite præsentis gloria; glorianter in re, quam vermes & gnunt & perdunt.

Idem Homil. 30. in Epist. ad Romanos: *Deposito,* inquit *vilis fænionere* [hoc enim est vestium sumptus] *ornatum accipe*

accipe cœlestem virtutum. Hic est Ecclesiæ ( & Ecclesiasticorum ) ornatus , ille theatrorum ; hic est cœlis dignus , ille equis & mulis : ille & mortuorum corporibus circumdatur , hic in solâ splendet animâ , in quâ habitat Christus . S. Augustinus serm. 8. de verbis Apostoli scribit . Exerioris hominis ornamenta , quanto magis appetuntur , tanto sunt interioris majora detrimenta ; quanto autem minus appetuntur , tanto magis moribus pulchris homo adornatur . Quare ad modestiam cultûs hortatur , ita ut excessus pariter & defectus evitetur , nam lib. de vita beata idem S. Doctor ait : *Modestia utique dicta est à modo , & à temperie temperantia , ubi autem modus est atque temperies , nec plus est quicquam nec minus . Medium itaque Clericis tenendum , sita namque in medio virtus , vitium ad extrema rejicitur , ut ea devitent ac fugiant , scilicet & quæsitam venustatem & in amœnam speciem , pœdorem & horrorem insignem ; quamvis in hoc pauci , in illo plures excedere notentur.*

Clerici igitur luxum & sordes pariter devitent quod de S. Bernardo referri solet : *In vestibus semper ei paupertas placuit, sordes nunquam.* L. 3. vitæ c. 2.

Verum antiqua est mellei hujus Doctoris querela, quam in Epistola sua 42. hisce verbis insinuat, *Cernitur in non nullis Sacerdotibus vestium cultus plurimus, virtutum aut nullus aut exiguis : quibus ego si rememorem illud apostolicum : non in veste pretiosa : I. Tim. 2. vereor ne indignentur.*

Labem hanc suæ etiam ætati inustam gemit & aculeatâ oratione pungit S. Hieronymus Epist. 22. *Omnis inquit his cura de vestibus, si benè oleant, si pes laxa pelle non folleat : animus verò, qui in primis curis esse debuit, ponitur in postremis.*

Sed dicunt aliqui [ ut observat & sibi uer obicit laudatus ante S. Bernardus l. 3. de conscientia c. 5. ] Num de vestibus cura est Deo, & non magis de moribus ? At forma hac vestium, deformitatis mentium & morum est indicium, quid enim sibi vult, quod Clerici aliud esse,

esse , aliud videri volunt ? id quidem mi-  
 nus castum minusque sincerum ; nempe  
 habitum milites , questu clerici , aetatu neu-  
 trum exhibent : nam neque pugnant ut  
 milites , neque ut clerici evangelizant ,  
 cuius ordinis sunt ? cum utriusque esse  
 cupiunt , utrumque deserunt utrumque  
 confundunt : unusquisque inquit Apo-  
 stolus in suo ordine resurget : isti in quo ?  
 An quis sine ordine peccaverunt , sine or-  
 dine peribunt ? ut igitur hoc infelicitatis  
 præcipitium devitet Christi Sacerdos ,  
 & quivis alias Clero Ecclesiæ adscri-  
 ptus ; seriò cogitet , secumque perpen-  
 dat , quantum hæc pomparum sæculi  
 affectatio statûs sui sanctitati repugnet ;  
 quamque indignum & turpe sit , illum ,  
 quem gloriari nullatenus decet , nisi in  
*Cruce Domini nostri Iesu Christi Gal. 6.*  
 mundanæ gloriolæ auram ex vano ali-  
 quo exteriori apparatu venari .

## §. IV.

## RATIONUM MOMENTA.

**Q**UOD si Sacerdotem nonneminem  
( neminem ex nostrâ Confraterni-  
tate futurum confidimus ) usque adeò  
vanitatis studio abreptum reperire sit, ut  
eum nec verbi divini oracula, nec Con-  
ciliarium generalium sancita, nec Pa-  
trum sanctissimorum fulmina percel-  
lant ac moveant, is valida saltem ratio-  
num momenta ad rationis trutinam re-  
vocet, si forsan pondere suo ad mode-  
stiam nonnihil inflectant restitantem.

Rationem primam vel ab ipsa indu-  
mentorum naturâ ac fine desumere li-  
cebit: vestimenta enim data sunt, tum  
in erubescentiæ, tum in infirmitatis hu-  
manæ remedium. Ac primo quidem  
nobis fuerunt in subsidium erubescen-  
tiæ concessa, quoniam corpora nostra,  
adversus animam rebellantia, & contra  
voluntatem hominis in turpes se motus  
efferentia, debuerunt, ut sine rubore  
in

in unum multi viveremus , indumentis  
operiri : ut ex Genesi liquet , ubi post  
transgressionem de parentibus proto-  
plastis dicitur : *Cumque cognovissent se  
esse nudos , consuerunt folia ficus , & fece-  
runt sibi perizomata . Gen. 3. 9.*

Deinde vestimenta sunt nobis prop-  
ter indigentiam prærogata : quia nimi-  
rum æstu fatigati , & frigore afflitti , &  
imbribus & nivibus , & grandine ac  
pruinâ , & aliis inclemenciis verberati ,  
debuimus indumentis veluti medica-  
mentis foveri & veluti armis ab iictibus  
servorum nostrorum , qui propter pec-  
catum in nos insurrexerunt , ut cunque  
defendi .

Ex his statim , ut facile cuivis patet ,  
consequitur , indumentum esse veluti  
infamiae notam , miseriae & infelicitatis  
insigne : si enim in fidelitate erga Deum  
Dominum nostrum persistissimus ; nec  
corpus contra rationis imperium in tur-  
pes motus prosiliret , nec nos molestia  
rerum naturalium invaderet , unde nec  
necessitas vestimentorum accederet aut  
urgeret . Quid hinc denique inferemus

&amp;

& concludemus? hoc sane , indumenta  
exquisitiora parare , & ex illis aut oble-  
Etationem , aut honorem quærere, esse  
manifestè à lege divinâ exorbitare, atque  
ab honesto fine , propter quem sunt in-  
stituta, deficere, quid enim est in re pro-  
brosâ gloriari ? nisi furis instar ad fur-  
cam damnati , de resti collo injectâ fese  
inaniter ostentare ac triumphare.

**ALTERA** Ratio maximi sanè mo-  
menti ad luxum vestium , aliarūmque  
rerum fugiendum , potenter impellens  
est , quod bona Ecclesiastica Sacerdoti-  
bus superflua , atque in usus superfluos  
ac vanos insumpta , sint res alienæ , bona  
pauperum , Patrimonium Christi , Res  
Dei. ut clarè testantur Concilium An-  
tiochenum , Toletanum , Aquilgranen-  
se , Lateranense , ac Tridentinum sels.  
25. de reformat. Item SS. Ambrosius  
Augustinus , Hieronymus , Prosper , Isi-  
dorus Pelusiota & alii quāmplurimi , ac  
proinde inferunt , ea bona , non in su-  
perflua , vana noxiāque esse insumenta;  
verum in usus pios & proficuos Ecclesiæ  
Dei ac pauperibus : qui secus fecerint ,

eos

eos esse fures, sacrilegos, & Raptiores, asseverare non dubitant. Omisis brevitatis gratiâ aliis, unum audiamus Doctorem mellifluum Epist. 2. ad Fulconem Canonicum Lugdunensem ita scribentem: *Dignum est inquit ut qui Altari deservit, de Altari & vivat, conceditur ergo tibi, ut si benè deservis, de Altari vivas, non autem, ut de Altari luxurieris, ut de altari superbias, ut inde tibi compares frœna aurea, sellas depictas, calcaria deargentata, varia griseaque pellicea, denique quidquid præter necessarium victum & simplicem vestitum de Altari retines, tuum non est, rapina est, sacrilegium est.*

Idem S. Doctor Epist. 42. ad Henricum Senonensem ArchiEpiscopum c. 2. scribit. *Clamant nudi, clamant famelici, conqueruntur & dicunt: dicite Pontifices, in frœno quid facit aurum, nunquid aurum à frœno repellit frigus aut famem? nobis frigore aut fame laborantibus quid conferunt tot mutatoria, vel extensa in perticis vel plicata in manticis? nostrum est quod effunditis; nobis crudeliter sub-*

tra-

trahitur, quod inaniter expenditis: & nos etiam Dei plasmatio, & nos Christi sanguine redempti sumus, nostris necessitatibus demitur, quidquid accedit vanitatibus vestris. Hæc quæ S. Bernardus sincerè confidenter & cordatè scribit Archi-Episcopo, quilibet Sacerdos, quem conscientia propria accusaverit, facile sibi adaptaverit.

His verò ritè perpensis, quis erit vel adeo insipiens, & præposterus, ut quod ordinatum est, in erubescentiæ & indigentiaæ remedium, vertat in signum honoris & gloriæ, vel adeo iniquus & inhumanus, ut pauperibus dedita ac necessaria, in usus superfluos vanosque convertat? præsertim si consideret; quod, sicut de reliquis omnibus, ita etiam de bonorum temporalium usu atq; expensis, supremo Judici rationem stirpam redditurus sit, idque ut ipsemet edixit usque ad novissimum quadrantem.

## §. V.

**DE MATERIA FORMA ET**  
*Colore vestium Clericalium.*

**Q**Uandoquidem tot authoritatum & rationum momentis à luxu fastuque vestium deterremur , isque in tribus potissimum versetur , scilicet materia , formâ & colore , dispiciamus si placeat , quænam in his observanda , cavyendaque videantur .

*Materia vestis clericalis , lanae plerumque sit , non bombycina aut serica , nisi fortè hanc exigeret singularis quædani Personæ illustris aut dignitatis magnæ ratio , cui modum statuet ingenuæ mentis decus , ac devota modestia ; quæ supra sortem assumi , nihil omnino patietur ; ita ut nihil in eâ lautum sit ac molle , nihil artificio exquisito stratum , nihil umbilicis tumidum , nihil folicante copiâ superfluum ; nihil ad sœculi elegantiam compositum ; quivis enim vel in materia , vel in pretio ac nitor*

tore excessus , potius ad probrum & decus , quam ad splendorem & dignitatem facere videtur , cum omnibus à naturâ insitum sit , ea odiſſe ac damnare , quæ seu à personâ , seu à statu aliena judicantur.

*Forma* servetur laudabili cleri consuetudini ac dignitati consona & debita , qualis est oblonga & *TALARIS* , ea enim ex primæva Ecclesiæ institutione , ex Sanctorum Patrum placitis , ex Sacrosanctis Conciliorum Lateranensis sub Innocentio II. & Tridentini sess. 22. c. 1. de reform. Decretis introducta , laudata , confirmata , totque sæculorum usu comprobata , ac passim in Italia , Hispaniâ , Galliâ , Lusitaniâ , aliisque Regionibus usitata fuit. Hæc authoritatem & reverentiam Sacerdotibus , atque Animarum Pastoribus conciliat ; hæc jam olim à S. Basilio commendata fuit. Epist. 1. ad Grego. ubi ait. Tunica seu vestis *Talaris* cinctu appressa sit corpori & astricta : hæc dignitatem & sanctitatem sacerdotalem illis assiduè obculos ponit , atque in officio continet , ne

mo-

modestiæ limites transfliant; hæc tonsu-  
 ræ præsertim & *Corona* [cujus pro do-  
 lor! hæc tempestate quosdam pudor  
 occupat] aliisque insignibus clericalibus  
 sociata, instar loricæ est & galeæ salutis,  
 quâ Ecclesiastici tanquam cataphracti  
 Christi milites, contra quasvis mundi  
 illecebras & tentationes tuti, securique  
 procedant, ita ut nec mundus illos allu-  
 trare, nec quicquam pudori aut virtuti  
 adversum ab iis efflagitare vel eblandiri  
 præsumat; & quamvis id impudenter  
 attentaret, ipsi tamen præsidiis hisce  
 muniti, nisi frontem omnino exuerint,  
 aut verecundiæ repagula penitus perru-  
 perint, indecorum quidpiam perpetra-  
 re non audebunt sacro horrore perculsi,  
 ut experientia ipsa comprobat. Quare  
 parum laudandi sunt illi, qui non cleri-  
 cali, sed sœculari curtóque habitu utun-  
 tur, non sine nævo aliquo aut probro  
 sui ordinis: *Quis enim Clericum, quis*  
*sacris initiatum agnoscat, in veste bre-*  
*viori & concisa quæ vix genua contegat?*  
*quis in thorace caligisque nudis, qualis*  
*etiam conjugato usui esse possint? nemo*  
*certè*

certè , nemo unus omnium ; Clericum esse pronuntiārit , qui solis oculis credat ; quī enim pronuntiaret ? sanè ut ex velle re ovis , & è plurimis volucris , ita ex veste Clericus agnosci debet . Unde meritò laudabilis *nōstra Confraternitas* optat ac desiderat , ut omnia ejus membra , decentem hanc & convenientem *oblongam Talarēmve* vestis formam suscipiant.

Color niger sit , *Nigra sum sed forma sa* ait Sponsa l. c. Antiquitus Esseni , qui formam quandam religionis habuerunt , soliti sunt , ut ait Josephus albatu incedere ; existimantes colorem hunc animi candorem , lātitiamque demonstrare . Verūm quia hic color Dynastarum erat proprius , omnium rerum abundantiā , lātitiā , gloriā , felicitate florentium , sacro Clericali ordini visus est minūs esse consentaneus .

Quare niger hic color placeat , atque in usu apud Clerum constanti remaneat ; quem jam olim Clerici amplexi sunt , teste S. Athanasio ; ac per tot sāculorum decursus ad Nos peryenit . Quin & ipse S.

S. Augustinus fuscam vestem, quam niggelam vocat, fuisse insigne continentiam profitentium indicat. Color hic modestiae significandæ opportunus, index est luctus & pœnitentiæ. Visum est, ait *Petrus Gluniacensis*, ad S. Bernardum scribens, magnis Patribus illis, nigrum colorem, magis humilitati, magis pœnitentiæ, magis luctui convenire ; Clerici enim mundo mortui, soli Christo Domino nostro vivunt & serviunt. Unde *S. Joannes Climacus* gradu 7. col. 2. ait : Ipsum quoque indumentum tuum te ad exercitium luctus hortatur : orines enim qui mortuos lugent, nigris vestibus operiuntur. Idem confirmat *S. Hieronymus* in Epist. ad Marcellam & alibi, dum vestem fuscam seu pullam, mundo mortuis in usu fuisse insinuat.

*Reverendissimi, Admodum Reverendi Domini Confratres ; quidquid alii, minus laudabiliter faciant, Nos à majorum consuetudine non degeneremus ; materiam formam, colorem vestis à scripturâ sacra, Conciliis ac patribus commendatam constanter usurpemus :*

hâc

hâc ratione autoritatem , reverenti-  
amque Ordinis Ecclesiastici probè tue-  
bimur , nec non , humilitatis, modestia,  
luctûs , mundique contemptus speci-  
men cunctis ad ædificationem exhibe-  
mus : atque à temptationibus ac vanitati-  
bus mundi securi munitique perisse-  
mus.

## C A P U T II.

### D E M O R I B U S S A C E R D O T A - L I B U S .

**A** Ltera Encomii Sponsæ pars est ,  
quòd licet nigra exterius videatur ,  
simul tamen sit *formosa* interius : id  
quod omnibus quoq; & singulis mem-  
bris suis optat & vovet *Confraternitas*  
*nostra*: Nigra sint vestibus , formosa  
moribus , quibus non mundo , sed Deo  
& proximo propter Deum , placere stu-  
deant.

*Mores* ejusmodi Clero dignos præ-  
scribit & exigit à Sacerdotibus & vel  
maximè ab *Animarum* *curatoribus* .  
Con-

Concilium Tridentinum sess. 22. c. I.  
de reform. ubi ita loquitur : *Sic decet  
omnino Clericos in sortem Domini voca-  
tos, vitam, moresque suos omnes compo-  
nere, ut habitu, gestu, incessu, sermone,  
aliisque rebus omnibus nil nisi grave mo-  
deratum ac Religione plenum præse fe-  
rant: levia etiam delicta, que in ipsis ma-  
xima essent, effugiant, ut eorum actiones  
cunctis afferant venerationem.*

Idem sess. 24. c. 12. de reform. mo-  
net. *Vestitu insuper decenti, tam in Ec-  
clesiâ, quam extra assidue utantur: ab il-  
licitis venationibus, aucupiis, choreis, ta-  
bernis, lusibusque abstineant, atque eâ  
morum integritate polleant, ut merito  
Ecclesie Senatus dici possint.*

Ut autem ea, quæ laudabiliter sancita  
sunt, effectum sortiantur, Idem Conci-  
lium Episcopis præscribit; ut & ipsimet  
morum exemplo præluceant, & subdi-  
torum mores distortos emendent: Et  
primo quidem sess. 25. in Decreto de re-  
form. c. I. sic legimus: *Episcopi imprimis  
ita mores suos componant, ut reliqui ab  
eis, fragilitatis, modestia, continentia,*

ac quæ Nos tantopere Deo commendat  
sanctæ humilitatis exemplar, petere pos-  
sint. Quapropter exemplo Patrum nostrorum  
in Concilio Carthaginensi, non solum  
jubet, ut Episcopi modestâ supellectiliâ  
mensâ ac frugali victu contenti sint, ut  
rum etiam in reliquo vitæ genere, ac tota  
eius domo caveant, ne quid appareat,  
quod à sancto hoc instituto sit alienum,  
quodque non simplicitatem, Deizelum,  
ac vanitatum contemprum præseferat.

Si hæc à magnis Episcopis & Diœce-  
sium ampliarum Præfulibus, quid à Sa-  
cerdotibus ac Pastoribus inferioribus  
Synodus sancta requiret? Illa sane de  
his quoque sensum suum mox subtexit,  
inquiens *Quæ vero de Episcopis dicta  
sunt, eadem de quibus cunque beneficia  
Ecclesiastica obtinentibus, pro gradus  
sui conditione, observari decernit.*

Pro correctione vero subditorum ea-  
dem Synodus Episcopis injungit se-  
quentia sess. 14. in proœmio Decreti de  
refor. *Cum propriæ Episcoporum munus  
sit subditorum omnium vitiare dargueret,  
hoc illis præcipue cavendum erit, ne Cle-  
rici*

rici præsertim ad animarum curam constituti, criminosi sint, neve in honestam vitam ipsis conniventibus ducant: nam si eos pravis & corruptis moribus esse permittant, quo pacto laicos de ipsorum vi- ciis redarguent? monebunt proinde Episcopis suos Clericos in quocunque ordine fuerint, ut conversatione sermone & sci- entia, commissosibi Dei populo præcant, memores ejus quod scriptum est: Sancti estote quia & ego sanctus sum Levit. 11. & juxta Apostoli vocem I. Cor. 6. nemini dantes ullam offensionem, ut non vitupe- retur ministerium eorum, sed in omnibus exhibeant se, sicut Ministros Dei, ne illud Propheta dictum impleatur in eis: Sacerdotes Dei contaminant sancta & re- probant legem. Ezech. 22. Sophon. 3.

Quod si hæc à Conciliis Decreta, tum ab Episcopis tum à Clericis sanctè ser- ventur, hoc pacto ut ait S. Bernardus Epist. ad Henricum Archi-Episcopum Senonensem. Erit honorabile ministeri- um eorum, illudque honorificabunt, non cultu vestium, non equorum fastu, non amplis ædificiis, sed ornatis moribus, stu-

M 2 diis

*diis spiritualibus, operibus bonis.* Deinde  
Deo sibique commisso populo Deum  
timenti placebunt, licet mundo ejusque  
vanitatibus ac illecebris deditis, fortasse  
displaceant, ut recte l. c. Doctor melli-  
fluus monet. *Tu inquit Sacerdos Altis-  
simi, uni ex his placere gestis? mundo a  
Deo?* *Si Mundo, cur Sacerdos? si Deo,*  
*cur qualis populus talis Sacerdos?* nam  
*placere vis mundo, quid tibi prodest Sa-  
cerdotium?* non enim potes duobus Do-  
minis servire: qui autem vult amicus  
esse mundi, inimicus Dei constituitur. &  
Propheta: Deus inquit dissipabit ossa eo-  
rum qui hominibus placent, confusisunt  
quoniam Deus sprevit eos. & Apostolus  
*Si hominibus placerem Christi servus non  
essem.*

His ita quasi in genere de moribus  
Ecclesiasticorum declaratis atque expo-  
sitis, desideratis fortasse, Reverendissi-  
mi, Admodum Reverendi Domini, ut  
quædam de Moribus Clero dignis enu-  
cleatiūs, atque in particulari profera-  
mus, & in memoriam revocemus, quo  
quilibet in eorum studiu m alacriori  
mente

mente incumbat. Si id placeat prænōtandum & recolendum ex Doctore Angelico i. 2. q. 58. a. 1. *Quod mos duo significet, consuetudinem scilicet & inclinationem naturalem, aut quasi naturalem, ad aliquid agendum.* Deinde quod consuetudo, quodam modo vertatur in naturam, inclinationemque naturalis similem efficiat. Atque inde virtus moralis à more nomen traxit, ex quâ D. Thomæ expositione liquet, mores Ecclesiasticos, aliud haud esse quam consuetudines & inclinationes ad rectè agendum juxta statūs sui exigentiam, sive virtutes morales, ad Cleri perfectionem requisitas, eumque ad actiones Ecclesiasticas pias, virtuosas, sanctasque inclinantes, quales censentur sequentes.

I. Prima virtus, mos, consuetudo, Inclinatio Sacerdote aut Clerico digna & ante omnia necessaria est *CASTITATIS*: sine quâ cuncta ejus opera luto infixa & sordibus quodammodo conspurcata sunt. Hæc autem inclinat i. ut Clericus non solum corpus à pollutione carnali custodiat, verum etiam Animam

concupiscentia carnali mundam conservet. 2. inclinat in media puritatis, qualia sunt victus parcitas, cultus vilitas, corporis incommoditas, & fugacitatem temporis impudicitiae opportunitate deinde sensuum omnium, visus in primis & tactus, diligentissima refractio, cordisque à vanitatum illecebris, cogitationibus & delectationibus subtractione denique Christi Domini, Beatissimae Matris ejus, Apostolorum plurimorumque Episcoporum & Sacerdotum sanctitate illustrium in angelica puritate imitatio.

II. Secunda Virtus, Mos, Consuetudo & Inclinatio Clerici, priori subserviens, & quasi Anima Cleri est PIETATIS ac veræ devotionis; quâ precibus, psalmis, hymnis Dei laudibus & aliquis jugiter insistere, & meditationibus contemplationibusque rerum cœlestium divinarum & æternarum sedulovare delectetur & inclinetur: Gustato enim spiritu desipit omnis caro, ut ait S. Bernardus, cui consentit S. Gregorius discurrens: Qui terrenarum rerum amore

more vincitur in Deo nullatenus delectatur. Esse quidem sine delectatione Anima nunquam potest: nam aut infimis delectatur, aut summis: & quanto altiori exercetur ad summa, tanto majori fastidio torpescit ad infima: quantoque acriore cura in ardescit ad infima, tanto tempore damnabili frigescit à summis: utraque enim simul & equaliter amari non possunt.

III. Tertia Virtus, Mos consuetudo & inclinatio Clero digna utriusque præcedenti opem ferens viresque ministrans est Temperantia, Abstinentia & Sobrietatis, quæ eum inclinat, ut affectiones & passiones internas, motus & actiones externas, intellectum & voluntatem, linguam, victum, vestitum, somnum, aliisque secundum rectæ rationis & virtutis præscriptum moderetur; omnia in mensurâ, numero & pondere ordinet, uixta dispositionis divinæ exemplum: ita ut, quemadmodum S. Albertus M. in paradiſo suo loquitur, *Omnis actio nostra, mores & vita sit mensurata, numerata, & ponderata: Hoc est in virtute patris, cui mensura, in virtute filii, cui*

M 4      numerus,

*numerus, in virtute Spiritus sancti, cui  
pondus adscribitur : Omniaque sine su-  
perfluitate, sine inordinatione, sine in-  
quietudine & perturbatione à nobis per-  
agantur.*

IV. Quarta Virtus mos, consuetudo  
& inclinatio omni Clerico & Sacerdoti  
apprimè conveniens est *HUMILITA-  
TIS*, exemplo Christi Domini Sacer-  
dotis summi, verbo & exemplo eum do-  
centis: *discite inquit, à me, quia misericordia  
sum & humilis corde*, Matth. 12. Hæc  
virtus virum Ecclesiasticum inclinet, ut  
vilitatem, fragilitatem, & nihilum su-  
um identidem sibi ob oculos ponat, glo-  
riam sibi exhibitam contemnat, nec ex-  
hibendam appetat, nullum omnino ni-  
si se solum spernat, nulli penitus se an-  
teponat, intimè penetret, quod per se  
nullam temptationem vincere, nullum  
opus bonum sine gratia Dei, exercere  
valeat, infimum locum & officium  
quantum fas est, quærat, Deo, non ho-  
minibus, unice placere desideret, poti-  
us subesse quam præesse eligat, soli Deo  
gloriam omnem tribuat, se vero despici  
&

& contemni ex animo appetat & gaudeat, Christi Domini sui exemplo: *Qui proposito sibi gaudio sustinuit Crucem confusione contempta.* Hebr. 12. 2. Hac viâ Humilitatis Magistro Jesu Christo crucifixo similis & concors evadet, ac requietum Animæ suæ inveniet.

V. Quinta Virtus, Mos, consuetudo & inclinatio Sacerdotis Ecclesiastici est *Mansuetudinis*, quæ eum inclinet ac moveat, ut propter illatas sibi injurias nulla eum amaritudo mentis exacerbet, nullus rancor aut ira eum afficiat, sed omnia æquanimiter sustineat: non irritet, nec irritetur, non noceat nec nocere cogitet, non mordeat, nec mordentes verbis remordeat, sed malis moribus dominetur, & animum Deo quietum semper reservet. Tales enim *Mansueti* hereditabunt terram, & delectabuntur in multitudine pacis. psal. 141.

VI. Sexta Virtus, Mos, Consuetudo & inclinatio Sacerdotis Ecclesiastici est *contemptus mundi* & omnium vanitatum ejus; qui eum inflectat, ut omne Regnum mundi, & omnem ornatum

Sæculi despiciat , propter amorem Domini nostri Jesu Christi,in cuius Clerum & fortem transcriptus est , & mundi rebus temporalibus , divitiis , pompis , dignitatibus , prælaturis cor non affigat , ab amicis sese abstrahat , nec generis nobilitatem æstimet , nec carnis voluptates quærat , nec opes appetat , nec culmen honoris ambiat , nec sæculi blanditus mulceatur , nec minis potentum terreatur , nec vituperio aut laude humana moveatur , sed cum Apostolo , *Omnia arbitretur ut stercore ut Christum lucri faciat.* ad Philip. 3.

VII. Septima Virtus , Mos , Consuetudo & inclinatio Sacerdotis Ecclesiastici est *Misericordia* , quæ ex priore oritur , eumque inclinet , ut in dando condonando & supererogando beneficium se exhibeat , buccellam suam solus non comedat , indigentibus pro posse , necessaria subministret , injuriam læsus remittat , non vindicet ; maledictionem pro maledictione non reddat , sed malum in bono vincat , cujusvis necessitatem pro viribus sublever , secundum Christi Sal-

Salvatoris nostri consilium : *Euntes autem discite, quid est Misericordiam vobis & non Sacrificium Matth. 9. & Iudicium sine Misericordia illi, qui non facit Misericordiam.* Jacobi 2. 13.

VIII. Octava Virtus vel maxime necessaria Sacerdoti Ecclesiastico non quidem Moralis sed Theologica est *CHARITAS erga Deum*, quæ eum moveat & inclinet, ut Dominum Deum suum ex toto corde, animâ, mente & virtute diligat, idque non pœnæ metu, aut præmii sive temporalis sive æterni Spe, sed solum propter ejus summam & infinitam bonitatem, potentiam, Sapientiam, benignitatem, pulchritudinem, providentiam, & dilectionem erga nos æternam, immensam & fidelissimam: Verum non corde tantum vel ore diligat, sed opere etiam & veritate dilectionem demonstret: ut enim docet S. Gregorius *Probatio dilectionis exhibitio est operis.* Itaque mandata ejus servet, vota impletat, Deum laudet, reveratur, colat, eique fideliter ex timore serviat, *Qui habet mandata mea & servat ea, ille est,*

M 6 qui

*qui diligit me, Joan. 14.* Et de dilectione Conditoris subjungit dictus S. Gregorius : *Lingua, mens, & vita requiruntur, nunquam est amor Dei otiosum operatur etenim magnificus est, si vero operari renuit, amor non est.*

IX. Nona Virtus, habitus, consuetudo & inclinatio Sacerdotis Ecclesiastici est *Charitatis & dilectionis proximi;* quæ eum inclinet & inducat ut proximum suum, amicum & inimicum amet sicut seipsum, id est juxta expositionem Divi Augustini, ut *eum in Deo, ad Deum & propter Deum diligat,* ita ut, sicut unusquisque bonum proprium in corpore & Anima in rebus & honore diligit, sic diligat & proximi. & sicut unusquisque in prædictis omne malum ac damnum odit & fugit, sic pariter & proximi, tam amici, quam inimici, malumoderit & fugiat: nam amantem solum diligere, naturæ est, non meriti, non amantem verò diligere, gratiæ est, & eundem beneficiis ad amorem attrahere perfectio-  
nis est. Quare *Sacerdos Christi exemplo, tam amico, quam inimico in adversis con-*

condoleat , in prosperis ex corde con-  
gaudeat , & gratuletur . Contraria verò  
odii signa , veluti remis velisque refugi-  
at ; qualia sunt , si cum gravitate mentis  
de proximo cogitet , cum tristitia cordis  
eum videat , cum amaritudine animi ei  
loquatur , aut loqui audiat , bonum ejus  
pro viribus impedit , diminuat , per-  
vertat . *Qui non diligit manet in morte.* I.  
Joan. 3. 14. Hæc dilectio est genuina  
tessera & nota filiorum Dei & discipu-  
lorum Christi : *In hoc cognoscent omnes*  
*quod discipuli mei estis si dilectionem ha-*  
*bueritis ad invicem:*

X. Decima Virtus habitus , consuetu-  
do & inclinatio Sacerdoti Ecclesiastico ,  
& in primis Parocho necessaria est *Zeli*  
*animarum* ; qui eum inclinet ac permo-  
veat ; ut meditationibus sanctis , ferven-  
tibus desideriis , lachrymis , orationibus ,  
vigiliis , jejuniis , prædicationibus , ex-  
homologesibus , consiliis , doctrinâ , at-  
que aliis operibus bonis , pro salute ani-  
marum laboret ; exemplo Christi Do-  
mini , tanto fervore peccatorum con-  
versionem , ac bonorum perfectionem

sipientis, quærentis, circumeuntis, su-  
dantis, patientis, atque in Crucem mori-  
entis. Purus hic & sincerus *animarum*  
*zelus* Christi & Apostolorum exemplo,  
Sacerdotem inflectat; ut nec lucrum re-  
spiciat, nec munera quærat; nec com-  
modis inhiet, nec honorem ambiat, nec  
propriam delectationem in zeli actioni-  
bus intendat immo nec labores, nec ærum-  
nas, nec adversitites, nec corpus, nec  
vitam propriam curet; ut plures animas  
Christo lucrifaciat, cum Apostolo asse-  
rens; *Ego autem libentissime impendam*  
*& superimpendar ipse pro animabus ve-*  
*stris.* 2. Corinth. 12. Quam verò grata  
Deo accidunt hæc zeli opera, testatur  
S. Dionysius Areopagita, S. Chrysosto-  
mus, S. Gregorius l. 1. in Ezech. homil.  
12. *Nullum quippe omnipotenti Deo tale*  
*est sacrificium, quale est zelus animarum.*  
Ex quibus operibus, veluti concatena-  
tis, universa Pastoris vita contexta est;  
sive studeat, sive celebret, sive catachi-  
zet, sive prædicet, sive ægros invisat,  
sive Sacra menta administret. O quanta  
Sacerdotis felicitas! quanta seges meri-  
torum!

torum! quot occasiones coronarum cœlestium!

Atque hi præcipui sunt ( omissis proximitatis vitandæ gratia aliis ) mores Sacerdote Ecclesiastico , & quovis Clerico digni , ejusque statui in primis convenientes ac necessarii , ut munere suo cœlesti ac propè divino rite perfungatur. Quibus si careat , larva & idolum Sacerdotis & Pastoris est ; vel ipso ejus nomine indignus ; quibus si clareat , Deo optimo maximo & proximo suo placet , nomen & omen viri Deo sacrati & sancti sustinebit ; maximamque authoritatem , reverentiam , & fructum animarum ad majorem Dei gloriam reportabit.

Quæ cùm ita sint *Reverendissimi, Admodum Reverendi ac Venerabiles Domini* ; ut Confraternitas nostra laudatissima , instar Sponsæ in Cantico laudatæ , nigra & formosa , Deoque ac proximo gratissima , duo explicata Canonis puncta fideliter observare conemur.

1. Decernamus , firmiterque statuimus , habitu nigro , communi , simplici , ho-

honesto & modesto , ut cœpimus , con-  
 stanter uti : hoc enim , ut vidimus , à No-  
 bis Scripturæ divinæ oracula exposunt  
 hoc Conciliorum Oecumenicorum de-  
 creta sanciunt ; hoc sanctorum Patrum  
 monita requirunt ; hoc rationum mo-  
 menta valida exigunt atque evincunt .  
 Mundo mortui , foro exempti , ac in Cle-  
 rum sortemque Domini translati sumus ;  
 sæculo & pompis ejus renunciavimus ;  
 quid igitur nobis cum mundo & vani-  
 tatibus ejus ? Quid gloria ejus inanis ?  
 quid fluxa ejus delectatio nos titillat ?  
 Sacerdotes Dei sumus servitio ejus man-  
 cipati , cur igitur nugas profanas quis-  
 quiliasque non spernimus ? Pastores ani-  
 marum à Deo constituti sumus ; igitur  
 ne ventis & umbris inanissimis nos pa-  
 camus . Nunquam induci nos sinamus ,  
 ut vel à materia , vel forma , vel colore  
 vestis Clericalis exorbitemus ; nunquam  
 in vestitus materia aut pretio excede-  
 mus ; nunquam formam inusitaram , pe-  
 regrinam & sæcularem ambiamus , au-  
 curtas conjugatorum vestes portemus ;  
 sed *TALARI* in aliis regnis & Provin-  
 cij

ciis consuetâ , contra tentationes muni-  
ente , reverentiâmque debitam concili-  
ante induti incedamus : Colorem quo-  
que aureum, cæruleum, rubicundum,  
aliósque sacerdotalibus familiares, aut mi-  
litares refugiamus, & nigrum luctûs &  
pœnitentiæ indicem , perlibenter geste-  
mus , hoc pacto , Confraternitas nostra  
*nigra erit, sed formosa , nigra exterius,*  
interius candida & venusta, ac Deo uni-  
cè chara, grata atque accepta.

2. Studeamus placere non vestibus,  
sed moribus, ut Canon præfens Nos do-  
cuit ; qui animam mirificè exornant , at-  
que apud Deum Angelos & Sanctos no-  
bis gratiam conciliant. Mores Clero di-  
gni , sunt actus & virtutes morales , quæ ,  
consuetudine & inclinatione acquisitâ ,  
ad varia bonorum operum exercitia mo-  
vent , & excitant ; quales sunt Castitas  
angelica , unicè Clero necessaria ; pietas  
ac devotio tenera ; Temperantia , absti-  
nentia & sobrietas exacta ; humilitas ,  
animique demissio profunda ; mansue-  
tudo agnina , verus mundi contemptus ,  
misericordia larga ac benefica. Charitas

in

in Deum flagrans & propè seraphica ,  
 Charitas in proximum plus quam pa-  
 terna & materna , Denique zelus anima-  
 rum insatiabilis & infatigabilis , exem-  
 plo Christi Domini Apostolorum , alio-  
 rūmque Sacerdotum & Clericorum  
 sanctitate eminentium .

Atque hæc est vestis Sponsæ variegata  
 & polymita ; deaurata & nuptialis ; ex  
 omnium morum optimorum filis virtu-  
 tumque floribus contexta : quâ si in hora  
 mortis ac supremo judicii die exornati à  
**Christo** judice inventi fuerimus , ad  
 nuptias cœlestes , felices terque beati  
 admittemur : quod si verò veste peregri-  
 nâ , vanâ , mundanâ coniecti , & insuper  
 atro tetro æthiopibus stygiis simillimo  
 vitiorum luxuriæ , superbiæ , avaritiæ , in-  
 vidiæ , iræ , gulæ & acediæ centone de-  
 honestati , ac sordidati comparuerimus ,  
 cum fatuis Virginibus audiemus , *nescio  
 vos , clausa est janua cœlestis patriæ , fe-  
 licitatis perperuæ , & beatitudinis æter-  
 næ ; quæ semel clausa , semper clausa ,*  
 nullis annorum millionibus , nullis sa-  
 culorū revolutionibus , nullis perenni-  
 tatis cyclis , unquam amplius referabitur.

CANON